

竊盜刺面

刑部為敬陳應改事宜等事本部具題嗣後有犯竊盜者停其臂膊刺字應明刺面上庶良人得以防範而行竊之罪顯露亦與羞辱惡犯之律相符矣康熙三十一年十一月初一日奉

旨依議

旂兵竊奪及盜主物俱刺字

刑部為拿獲竊盜事嗣後凡另戶之兵丁奴僕披甲人另戶當差人為竊盜或搶奪及奴僕盜家長財物者亦俱刺字康熙二十八年四月十三日奉

旨依議

毆傷竊賊致死成案

三法司議曾永乾與李漢三合夥開店適崔佛經過見店掛錢一串竊取而走曾永乾李漢三趕奪不還曾永乾掌披崔佛腮頰拳毆眼睛鼻梁曾永乾又拳毆左肋以致崔佛殞命江撫李基和將曾永乾等以共毆人致死律擬絞杖具題查律內凡夜無故入人家已就拘執而擅殺傷者減開毆殺傷罪二等至死者杖一百徒三年等語今崔佛竊錢雖非夤夜但曾永乾等因趕去奪所偷之錢不還毆死並非聞毆致死不便照共毆致死律擬罪曾永乾合改凡夜無故入人家已就拘執而擅殺者杖一百徒三年李漢三合改不應重杖康熙四十三年二月奉

旨依議

赦前 赦後竊盜停具題 現行則例 賊盜

一竊盜或

赦前二次偷盜